

gin dā-ung-a sta lth itil kogundi ; kingdom-gai dung-gia isis altha, dugwigai ishin, un-yāgudung-gai ishin, waigien et swonung-ashung. Amen.

¶ *Hin ishin il shouyai lägung,*

O Shalana, itil kwōt lth wau sta dāasu.

*Tl haada.* Waigien itil helthi dung ā killā-ashang.

*Liplet.* O Shanung-itlagadas, hawidan lth itil kogundi.

*Tl haada.* O Shalana, hawidan lth itil da tlāad.

¶ *Itan tl' tljungia-ōdsūs gien, hin nung lipletgas shouyai lägung,*

Nung Aung-as un lth yāgudung-u, Il Git ishin, nung Hants Las ishin ;

*Tl haada.* Thidlūgai ging-ānū wētgai ishin ēdung, waigien hētligai gu waiging-ān et swonung-ashang. Amen.

*Liplet.* Shalana ā lth kilā-ū.

*Tl haada.* Shalana kyē ā talung kilā-ashang.

¶ *Itan adshi Psalmgai tl' shudā-ashang ishin ā tl' kudsoulthing-āgung ; Easter-gas-dlu tlou Anthem kulat ā tl kudsue lagung.*

VENITE, EXULTEMUS DOMINO. *Psalm xcv.*

Ütlā-ū, Shalana ā talung kutsūdsun : nung alth itilgia kogunai dugwīas alth tlika talung gūlā-euondsun.

Kilā alth la hang-gu talung istaldsun : psalm alth la alth itil gūdung-ai las talung kendadsun.

Shalana Shanung-itlagada-euon isis altha : waigien tl' itlagada wautliwon t'elg il king-ga-euon-gung.

Tliga wautliwon hētligai gu isis il stlai ā ijung : waigien kwau-wong-ai dugwigai ishin lagia ijung.

Sigai lagia ijung, waigien lā-ū tloulthaian : waigien tliga hyilas ishin stlang alth il elthgidaian.